

DE



SIVE

MERCEDE DIVINATORIA

Ad Illustrandum Numer. XXII, 7.

PRAESIDE

FRANCISCO VVOKENIO

HEBRAEAE ET ORIENTALL. LINGV. PROF. PVBL. ORD.
REG. BORVSS. SCIENTIARVM SOCIETAT.

MEMBRO

*DOMINO AC PATRONO SVO OMNI PIETATIS
LEGE SEMPER DEVENERANDO*

D. XXVI SEPT. MDCC XXVII
IN AVDITORIO MAIORI

H. C.

PVBLICE DISSERIT

AVTOR

M. IOHANNES Gottlieb Biedermann

NAVMBURG. MISN.

VITEMBERGAE, LITERIS VIDVAE GERDESIAE.

158700 (10)





IESV GRATIA BENEDICENTE!



llud inter alia in miseram iraeque diuinae subiectam naturam hominum post lapsum peruasit malum, ut metus perpetuus poenarum coelitus denunciatarum ac ingens horribilium fluctuationum chaos, mirum, ut ut uetitum, desiderium pepererit, seu prospiciendi ac praenoscendi, seu exquirendi quouis modo, aut immi-

nentia mala, aut futuros euentus secundos, coniunctum cum incredibili ad superstitionem propensione. Nec unquam uero defuerunt eiusmodi homines, qui hanc artem tantum non publice profiterentur, et nomine Diuinorum celebres, pretio quodam conducti, id agerent, ut ii, qui se adierant, uoti compotes reuerti possent. Ac primaeuis quidem temporibus, ubi omni nisu id agebat Satan, ut legis lucem, quam DEVS promulgabat, uariis modis obscuraret, hac fama maxime eminebat Bileam; quo nomine illum notat ipsa Scriptura sacra. Quae, quum admodum diffuse de eius rebus gestis exponat, eiusque uaticinia prolixis uerbis persequi dignetur, nos quoque operae pretium duximus, ut in huius uatis artem diuinariam inquiramus, et nominatim de **למסמ**, quibus ad hariolandum inuitabatur, dispiciamus; praecipue, quum obserauerimus, hoc argumentum dignum iudicatum esse, quod

plus uice simplici in Nouo Testamento repetatur, nihilo-
secius tamen oppido parce adstrictéque a plurimis pertra-
ctari, quantumuis copiose de cetero generalis Bileami hi-
storia passim enarretur. עמנאל

§. II. Ac initio quidem supponimus, ea, quae de Bi-
leamo, et speciatim eo, quod prae manibus est, argumen-
to, leguntur, uere ita euenisse, neque pro aenigmatibus aut
phantasmatibus habenda esse, quae per somnia uisa fuerint,
ut ANONYMVS quidam a) post alios, SAADIAM, SAMVE-
LEM HOPHNIDEM, SAMVELEM CANTOREM, uigilans
somniauit. Quamuis enim nonnulli cum STEVCHO *ad h. l.*
genus diuinationum, quo usus est Bileam, insomnia fuisse,
asserant, tamen de ueritate historiae nec quicquam dubi-
tant aut detrahunt.

§. III. Iam, quod ad illum attinet, cui קסמים defere-
bantur, non erat DEVS, quod quidem Iudaeorum nonnul-
li existimarunt, et quos ipse R. ALSCHECH breuibus re-
futatur, dicens: מה העילו נגדו הקסמים, *quid faciant coram*
illo pretia diuinatoria? b) Sed erat Bileamus, cuius nominis
etymon scite enucleat LVTHERVS his uerbis: Bileam
oder Balaam heisst ein Verschleuderer oder Versäufer, als der
seinen Rachen aufsperrt, alles verschlinget und frisset. Den
schändlichen Namen hat er darum getragen, daß er so viele Leute
hat zur Sünde bracht, daß sie erwürgt und umkommen sind. c)
De eius natalibus et patre non attinet h. l. multa proferre.
Ex multis legi possunt WALTHERVS, d) QVISTORPIVS,
e) VITRINGA, f) alii. g)

§. IV. Officium seu artem eius, quam profitebatur, ex-
primit disertis uerbis Scriptura sacra, non quidem in no-
stro capite, uti ex eius *uersu* 5. uocem פתורא *uersio uulga-*
ta traustulit *hariolum*, sed Ios. XIII, 22. ubi expresse uoca-
tur קוסם *diuinator*. Quod quidem non alienum uidetur,
quum

a) dans l'histoire de Bileam Helmst. 1706. b) in פתורא משה *ad h. l. p. 239.* c) T. II. Altb. p. 480. d) Harm. Bibl. p. 261. e) An-
notat. ad 2. Petr. II, p. 405. f) Obsernatt. Sacrr. g) MOEBIVS in
historia Bileami. &c.

quum e Syria oriundus esset, notante MOSE NACHMAN. *ad Num. XXII.* היה קוסם מן הארץ שכל עמה קוסמים כענין. *erat diuinator ex ea terra, in qua omnis populus diuinabat, secundum id quod scriptum est.* (Ies. II, 6.) In quo uero consistat diuination, nemo non facile intelligit. Verbo: est futurorum in causis suis abditorum praenotio et significatio; aut, si mauis: diuinare est rem ignotam reddere planam ac manifestam, seu per media illicita, qualia adhibent harioli, seu licita: uel, ut habet זה העושה משאר קוסם; scil. המעשיות כרי שישוב ותפנה מחשבתו מכל הדברים עד שיאמר דברים שעתידים להיות ויאמר דבר פלוני עתיד להיות: או אינו הוזה או שיאמר לעשות כן: i. e. ille, qui hoc uel illud agit, cogitationibus nulli intertus rei, donec futura praedixerit, statuendo, hoc uel illud futurum esse, aut istud uel illud facere oportere (h). Et hanc artem exercebat Bileamus; utut de cetero incertum sit, quo diuinationis genere et inclaruerit et usus sit, quum קסם, ut notat D. DE POMIS *ad hanc uocem*, sit מלה כוללת לכל מיני חרטימות uocabulum generale diuersis diuinationum generibus quae ex instituto et data opera persequuntur CICERO *de Diuinatione*, PEVCERVS *de eadem*, NEVHVSIUS *in fatidicis sacris*, VENERIVS *de oraculis et diuinat.* MOLINAEVS *de vate*, aliique plurimi.

§. V. Speciatim autem eius artem ita describit caput nostrum uers. 6. את אשר תבורך מבורך, *cui tu benedicis, is est benedictus.* Quae uerba tantum adulandi gratia Bala-kum dixisse, ut eius artem extollens eum sibi reddat prom-tiorem, uix credi potest. Multis etiam dubiis premitur ea ratio, quam tradit זוטרתא פסקתא his uerbis: לפי שהיה ממשפחת קמואל אבי ארם ומדבר היה ברוח הקודש ומכרת שעת הועם, *quia erat ex familia Kemuel, pa-tris Aram, loquens per Spiritum S. et praedicans horam in-fortunii.* i) Nobis placet, quod PHILO de eo scribit: πολλοῖς καὶ πολλὰς ἐπιδειξάμενος ἀπιστα καὶ μεγάλα, ὀνομαστότατος ἦν,

A 3

h) in הלכות עבודת כוכבים וכו' c. XI. §. 6. i) ad haec uerba, p. 66. b.

ἦν, ἐπὶ μέγα τῆς εὐκλείας προερχόμενος διὰ τὴν ἐπιβαίνουσαν αἰεὶ καὶ φθάνουσαν πανταχόσε Φήμην k). Quibus gemina sunt, quae habet NYSSENVS, saepius eum ciuitatibus etiam ingentibus suis artibus nocuisse, et inde Balacum auxilium his uerbis adeo honorifice petiisse. l) Nempe praedicebat hominibus mala, quantum daemonis ope scire potuit, quatenus praescindimus a reuelatione DEI immediata, et quum hoc praesciret, male dicebat, imprecans illis, omnia super eos uentura esse, quae futura iam cognouerat. Pari ratione uersabatur circa benedicendum, ita, ut, cuicunque bonum quicquam euenturum praeuidebat, ei benediceret. Iam, quando euentus respondebat eius effatis, res obtin-gentes putabantur ex eius uirtute emanare: cuiuscemodi praedictiones ALMELOVEEN m) alique prolixè pertra-ctant.

§. VI. De hoc uero nemo forsan erit qui dubitet, quod Bileamus fuerit diuinator et propheta. At, qualis fuerit, ubi quaeritur, mirari satis non possumus, quam uehementer dissentiant interpretes. Quum autem nostri instituti haud-quaquam sit, sententias singulorum excutere, unum item-que alterum saltem nominasse sufficiat. Pro diaboli pro-pheta reputant eum cum plurimis Patribus NYSSENVS, n) ISIDORVS PELUSIOTA, qui scribit: τί τῷ βαλαάμ γέγο-νε μιαιώτερον; (o) Philo, qui admodum abiecte eum uo-cat γῆς θεέμμα p), BVXTORFFIVS, q) BRENTIVS, r) GLASSIVS, s) BOTSACCVS t), et plures alii. Pro DEI propheta agnoscunt eum cum TERTVLLIANO u) IOSE-PHVS, x) DRVSIVS, y) ABVLENSIS, z) alii. Nos et uere prophetam DEI et diaboli fuisse, asserimus. Et dia-boli quidem, si spectes eius personam; DEI, si attendas ad eius

k) in OO. p. 643. l) in OO. de uita Moſis p. 562. m) in Amoenitat. Theol. Philol. p. 241. n) l. c. p. 562. o) in Epist. L. II. Ep. 37. p) OO. p. 318. q) Catalect. p. 244. r) OO. T. I. p. 977. s) Exegef. Euan-gel. T. I. p. 988. t) Moral. Gedan. p. 114. u) contra Marcion. L. 4. x) Antiquitt. L. IV. c. 6. y) ad Iohan. III, 22. z) OO. T. IV. P. II. Qu. III. p. 55.

eius diuinum ministerium, ad quod postea a DEO adhibebatur: confirmantibus nostram sententiam LUTHERO, a) GERHARDO, b) CALOVIO, c) TIRINO d) aliisque. Nec enim obstat nomen קוסם ei tributum, quo minus pro uero habeatur propheta; id enim fieri ob abusum doni prophetici ex lucri cupiditate, obseruat P. IVRIEV: e) neque obstant נחושים *incantamenta*, quibus olim usus fuisse dicitur, Num. XXIV, 1. quandoquidem utrumque nomen tangit eius personam, non ministerium, ad quod diuinitus adhibebatur. Id modo probe notandum, accedente Spiritu Domini Num. XXIV, 2. recedendum fuisse spiritui pythio, perinde ut se res habebat cum Saule 1 Sam. XVI, 23. Quam sententiam et Cel. I. F. BVDDEVS f) et alii etiam amplectuntur. Plura uero qui de hoc argumento desiderat, eum ablegamus post Moebium (in Historia Bileami ex Num. 22, 23, 24.) prae ceteris ad celeberrimos duumniuiros, DEYLINGIUM, g) et KRAKEVIZIUM, h) qui hoc caput ita persecuti sunt, ut nihil reliqui fecerint.

§. VII. Sed, ut propius ad rem accedamus, relictis omnibus, de *occasione* quaeritur, qua Bileamo oblata sunt illa קסמים. Scilicet, pergrinabantur adhuc Israelitae per desertum, uariosque post casus campestria Moabi attingebant, ac in iis castra metati permanebant, donec Iosua duce inde profecti ad Iordanem peruenerunt. Haec dum geruntur, Rex Moabitarum, Balak, uictorias Mosis de Sihone et Ogo reportatas pensitans, metuit, ne suum quoque regnum occuparent Israelitae. Igitur communicato cum uicinis Midianitis consilio, nostrum fatidicum, ut Israelitas execretur, per seniores Moabitarum et Midianitarum inuitat, amplisque, quibus illos instruxerat, muneribus offerendis, id ab illo se impetraturum esse, confidit.

§. VIII.

a) T. VI. Alb. f. 1214. a. b) Comment. in Ep. Petr. p. 289. c) Bibl. Ill. V. T. p. 1311. d) Bibl. Magn. T. I. p. 334. e) dans l' Histoire critique des dogmes p. 37. f) Hist. Eccl. V. T. p. 750. g) Obseruatt. Sacr. P. III. p. 81. sqq. h) Dissert. de Bileamo impio, Rostoch. 1706.

§. VIII. Mittens igitur est Balak, qui parum gnarus diuini ingenii, et ex inepta superstitione ethnica, Bileamum uel plurimum gratia et auctoritate ualere apud DEVM, uel, fortasse etiam ipsum per se, inconsulto DEO, posse, cui uellet, bene aut male precari, sibi persuadebat, ut iudicat DE M V I S. i) Hic igitur euocabat Bileamum prophetam, non, ut benediceret, sed להרע לעני ולעוות רינו, *ut malediceret afflicto et peruerteret iudicium eius*, ut loquitur SCHEM TOBH. k) Missi seu legati erant Seniores, eum in finem delecti, ut negotium praesens tanto maiori cum grauitate, prudentia ac circumspectione ageretur, uti R. KIMCHI ad h. l. obseruat: quos apposite PELARGVS l) uocat *nobiles sollicitatores et improbos licitatores*.

§. IX. Res missa, et id, quod obiectum primarium est nostrae dissertationis, uocatur קסמים. Sic enim ait Scriptor sacer: *Et abierunt seniores Moabitarum et seniores Medianitarum*, וקסמים בדם. Quae uerba a diuersis diuersimode uertuntur et explicantur. Et quamuis KIMCHI m) tres tantum diuersas sententias notet, dicens: פירושו ודמי קסמי' או פיר' מיני קסמי' או מה שצריכין אליו מעניני קסמי' *sensus huius uocis est: pecunia diuinationum, uel species diuinationum, uel quicquid e rebus diuinatoriis illi erat necessarium*; plures tamen dari, mox constabit.

§. X. Namque alii uaria genera diuinationum intelligi uolunt per קסמים, proponenda Bileamo, ut seligeret, quodcunque uelit. Ita sentit TANCHVMA ad h. l. הוליכו בדם כל מיני קסמי' שהם קוסמים בהם הוליכו כל מיני קסמי' שהיו נ' ס' רבות *et eadem ferre leguntur in* attulerunt uaria genera diuinationum, quia erant diuinatores. At enim uero reclamatur huic expositioni tum uox בדם, tum illud, quod artifici praescribere uelle, neque conueniens fuerit, neque consultum.

§. XI.

i) in Opp. T. II. p. 96. k) ad Psalm. V, 6. l) Comment. in Numer. ad h. l. m) in השורשים קסם ad uocem n) p. 266. b.

§. XI. Alii autem hoc nomine exprimi putant ipsos *diuinatores*, quos seniores illi secum sumserint eum in finem, quo minus Bileam ipsos fallere posset, si forte uel tempus et horam uel aliud quicquam obstare diceret, ut non illis gratificari queat, ut scilicet diuersum illi ostenderent per suos diuinatores, atque ita cassa facerent eiusdem uerba. Quam sententiam profert ABEN-ESRA *ad h. l.* ubi de iis ita scribit: **קוסמים כמוהו ועור שלא יוכל להתעכב לאמר לא אמצא יום נבחר ושעה נבחרה ללכת ולקוב: כי הם אנשי אומנותו:** i. e. erant diuinatores perinde ac ipse, et amplius, ideo, ne posset cunctari, dicens: non inuenio aptam diem uel horam ad eundem et execrandum: quoniam hi erant uiri eiusdem artis. At uero, quis credat, Balakum tot precibus, tanto studio, tantis sumtibus sollicitasse diuinatorem alienigenam, si quidem ex sua gente non defuissent, qui hoc officio perfungi possent. Accedit, quod textus sacer tantum seniorum faciat mentionem, non aliorum; et quorsum referendum sit **ביום**, si haec explicatio admittatur, plane non apparet.

§. XII. Neque plus ponderis huic sententiae accedit, si cum aliis asserere uelis, ipsos legatos fuisse diuinatores, inductis occasione TARGUMI HIEROSOL. quod per seniores illos intelligit Sapientes Moabitarum et Sapientes Midianitarum; immo, nulla alia de causa Moabitis socios fuisse additos Midianitas, quam quod hi artibus magicis prae aliis instructi et in hac doctrina maxime uersati crederentur; quorsum spectant uerba in MATTHEO KEHÜNNA pag. 327. et aliorum. Si hoc enim fuisset, cur quaeso, tam multis precibus Bileamum sollicitabant, ut id faceret, quod ipsi potuissent efficere? quid opus fuisset, ut re infecta reuersis illis, Balak denuo alios ablegaret?

§. XIII. Alii igitur has difficultas obseruantes, obiectum reale, quam personale, malunt intelligi sub nomine **קסמים**. Hinc a nonnullis per *libros diuinationum* exponi, tradit **וי"מ שספרי קסמים** *p. 70. b.* his uerbis: **פענח רוא הביאו ביום.** *nonnulli exponunt, quod in manibus suis attulerint*

rint libros diuinationum; nec longe ab iis recedunt, qui asserunt, Balakum misisse *libellos*, in iisque praescripsisse formam uaticinandi, uti habet R. SAM. ZIRZE, ספר הקוסם: *Liber scriptus fuit, quem misit ad uatem.* o) Hi uero, ni fallor, falluntur translatione TARGVMI HIEROSOL. dum אנרין per *epistolas* uel *libros*, non autem per *mercedes* uertunt, uti uerti debebat. Nam, quem in finem misisset Rex libros diuinatorios? Sane persuasissimus erat, Bileamum artis suae esse gnarissimum, neque eum indigere libris, ex quibus illam edoceretur.

§. XIV. Maiori cum specie primo intuitu commendat sese eorum opinio, qui dicunt, *litteras petitorias* uel ad diuinandum *inuitatorias* innui per קסמי; aut qui cum PEL-
LICANO, p) *testatorias* indigitari putant litteras, quas misit Balac ad Bileamum, tanquam testimonium et uocationis et promissionis. Interim, ut taceam, significatum illum uocis huius neque ex locis parallelis neque ex uocibus similibus posse corroborari; non uideo, cur hac lege Balac prima itemque altera uice plures legatos, eosque grauitate conspicuos miserit, quum uel seruorum uilissimas litteras perferre potuerit ad Bileamum.

§. XV. Propius itaque rem sese tetigisse autumant ii, qui statuunt, Balaki legatos sumsisse secum *instrumenta* diuinatoria, auguri offerenda, eaque per קסמים omnium optime denotari. Socii huius sententiae sunt numero plures. Sic *Origenes* et *Lyra* ad h. l. scribunt, per diuinationes notari instrumenta illa, quae curiositas humana adinuenerat, quaeque portabant secum nuncii, ne Bileam ex defectu talium se posset excusare; et haec instrumenta, (quorum quaedam nominant, ut tripodas, cortinas etc.) ad artem magicam consecrata, moueri ab iis et conrectari, qui diuinabant. Subscribit his BASILIUS: q) consentiunt Rabbini plurimi. Sic enlm R. ARAMA: יראה שלקחו עמם כלי אמנותם למלאכת הקסם כרי שלא שום

o) in מקור חיים p. 103. b. p) in Comment. ad h. l. p. 188. b. q) Epist. LXXX. ad Eustach.

uidentur sumfisse secum instrumenta artis suae ad opus diuinationis, ideo ne sit ulla causa propulsiois et morae, ut faciat secundum uoluntatem eorum. r) כלים הם כלים *ad h. l.* ita explicat: מה יעורר בהם הקוסם וכו' excitandus erat uates. Itidem BECHAI, rationem redditurus, cur instrumenta secum apportarint, *ad h. l.* scribit: שלא יוכל לרחותם ולומר אין בירי עתה כלי קסמים: *quo minus posset eos repellere, dicens: non sunt nunc mihi ad manus instrumenta diuinatoria.* Eiusdem tenoris sunt, כל מיני הקסמי שלא יאמר אין *ad h. l.* רשי quae habet, כל תשמישי עמי: *ne diceret: non habeo mecum instrumenta officii mei.* Adii- cit calculum suum R. OBAD. SAPHORNO *in Comment. ad h. l.* itemque uersio Iekuthielis, qui צאברניס קסמים uertit per אונ' זוא האטין גרויטשאפט Zauberniß, et PARAPHRASES: רער צאברייא מיט סיק גנומן: *und sie hatten Geräthschaft der Zauberey mit sich genommen.* Et clauem quidem ad hanc explicationem suppeditare uoluit MVNSTERS, quando *ad h. l.* notat, Bileamum fuisse artificem sine instrumentis. At uero, a quam multis etiam propugnetur haec sententia, nulla tamen est. Nolo iam urgere, quod ipsi Rabbinii dis- sentiant, quo genere diuinationum usus sit Bileam, quum alii eum pro insigni astrologo, alii pro famoso aruspice, alii pro celeberrimo oniromante, alii pro egregio necro- mante uenditent, alii uero pro eo habeant, qui ope instru- mentorum suam artem exercuerit; adeoque ipsi certo non sciant, utrum indiguerit instrumentis, nec ne: id saltem ui- detur persuasu difficillimum, Balakum auguri quaquaue- rum famigerato misisse instrumenta, quibus uteretur, et non reputasse, quemuis artificem instructum debere esse necessariis instrumentis ipsi inseruientibus; imo uero, hac ratione Bileamum existimaturum esse, se potius ludibrio quam honori a Balako habitum iri. Adhaec merito quae-

quaeri posset, cur ad se arcessiuerit Balak Bileamum, si per nuncios statim instrumenta misisset, quorum ope absens illud etiam potuisset efficere, quod debebat.

§. XVI. Parum ab horum explicationibus abest ABARBANEL, inquiens: כסם וסימן בידם *portabant diuinationem et signum in manibus suis, s)* nisi uelis סימן explicare alio modo cum PESICTA, ita: אמרו סימן זה יש לנו אם לא ימאן מלכא מצלינו הרי אנו מצליחין ואם לאו אין לנו המצלחה: i.e. dicebant seniores: Signum hoc erit nobis, si non reuuet uenire ad nos, ecce felices, sin secus, nihil erit nobis felicitatis, et reuertemur in terras nostras. t) Nec multum abludunt illi, qui per כסמים significari aiunt omnem apparatus, qui uati necessarius putabatur, ut sedes et sortes; ut Kimchi notauit in Sepher Hasschoraschim sub uoce כסם: quam explicationem et amplectitur HUGO GROTIUS in Comment. ad h. l. prouocans ad Euripidem, qui apparatus illum commemorat, qui ad oracula adducebatur. Ast, si iam uel nolimus disquirere, utrum primaevi diuinatores et magi eundem adhibuerint apparatus, quo usi sunt alii progressu temporis: tamen, hoc etiam confesso, uix locum inueniet eorum opinio. Nam, quod antiquitatum scriptores notant, sortes tantum ab ignobilioribus et iis solis, qui aliarum diuinationum maioris existimationis sumtus sustinere non ualebant, afferri solebant, et per illas uates interrogabatur: atque in seculis antiquioribus parum honoris sortibus tribui solebat, si ad ceteras diuinationum species comparentur, uti erudite obseruat in GRONOVII Thesaur. Vol. XII. IOH. POTTERVS. u) Iam uero quis credat, regem omnibus opibus affluentem, eiusmodi diuinationis speciem selegisse, quae alias non nisi a pauperculis expetebatur?

XVII. Iam sufficiat, has aliorum sententias et adduxisse, et strictim examinasse. Nunc, quid nos sentiamus, aperi-

s) In Comment. ad h. l. p. 307. b. t) ad h. l. p. 66. b. u) in Archaeologia Graeca L. II. p. 329.

aperiendum. Nemo autem existimet, nos malefano quodam inclarescendi pruritu inductos, singularem et inauditam explicationem esse proluros, utut de cetero textui uis ac iniuria inferatur omnimoda. Tantum enim abest, ut omnium maxime sobriam uersionem et explicationem temere negligamus; ut potius eandem nostram faciamus, et hac uice tum illustrandam tum defendendam suscipiamus.

XVIII. Afferimus igitur, τὰ **קסמי** nec euidentius nec accommodatius transferri posse in nostro oraculo, quam per *mercedem diuinariam*. Et primo loco argumentum elicimus ex uoce ipsa, quae hac ratione exactissime respondet suae radici eiusque significationi: adeoque non uideo, cur Io. CLERICVS x) tantopere reclamet huic uersioni, malitque transferre per mercedem *incantamentorum*; quum a radice ad deriuata (non modo qua deductionem, sed etiam qua significationem) recte concludatur, solide, ut solet, afferente CL. BLOSSIO, *Praeceptore meo nunquam non honoratissimo*. y) Iam uero demonstret aliquis, uerbum **קס** significare in specie *incantare*, ut nomen deinde formetur eiusdem significationis? Aliud uid. in B. WICHMANNSHVSI Diff. de **קסמי הכבל** p. 6.

XIX. Nec uero quenquam male habeat uelim, non nude per diuinationes, uti alias solent eiusmodi nomina, sed per mercedem diuinationum nos uocabulum transtulisse; quum non praeter morem fiat, ut nonnulla uocabula eiusmodi sensum induant metonymicum. Sic apud CICERONEM τὸ *Euangelium* notat et laetum nuncium, et illud, quod nuncianti datur, praemium, quando scribit: *o suaves duas epistolas, quibus euangelia deberi, fateor*. z) Et quid opus, ad profanos autores prouocasse, quum ipse sacer codex exemplis non destituatur. Quid enim e.g. **בשורה** 2. Sam. IV, 10. aliud sibi uult, quam *praemium nuncii*, utut aliis in locis eadem uox absolute notet nuncium?

x) in *Comment. in Numer.* p. 372. y) in *Defens. Repetit. uocis כסמי* p. 7. z) *ad Attic. L. II. Ep. 3.*

Pari passu ambulat uox עונה debitum cohabitationis, *Exod.* XXI, 10. alias habitationem nude designans. Quod etiam obseruauit CORNELIVS a LAPIDE, scribens: Sicut peccatum sumitur pro hostia expiatrice, ita diuination pro pretio diuinationis. a)

XX. *Secundo* loco ad confirmandam nostram explicationem faciunt pleraeque uersiones: ubi tamen tenendum, plurimas Ebraicum idioma secutas pariter קסמים una uoce expressisse. Sic LXXlis transfert τὰ μαντεῖα, duo paraphraestes Chaldaei, Hierosol. מְרִיזִין mercedes, et Iona- than: fructus diuinationum: Onkelos קסמין, Syrus, קסמים et diuinationes eorum in mani- bus eorum, Arabs: معجم بئالات cum auguriis secum: Samaritanus: קסמים et diuinationes eorum in manu eorum. Consentit *Hispanica*: hechicos en su mano: *Gallica*: les deuinemens: *Anglicana*: diuinations; *Vulgata*: pretium diuinationis; et, quae primo loco nominanda erat, *Germanica*: der Lohn des Wahrsagers. Plures addere nolumus, quum uel hae satis superque amicam ostendant conspirationem.

XXI. *Tertium* argumentum desumimus a consensu optimorum quorumque interpretum. Patrum fere omnes, in hanc eunt sententiam, quod negari non potest, uti ostendit LORINVS. b) Ex Rabbinis D. KIMCHI asserit, innui קסמים רמי pecunias diuinationum c) et in פנח רחא legitur קסמים שכר, d) itemque in *Baal Turim* ad h. l. explicatur per mercedem, et alios plures huic subscribere sententiae, docet R. Bechai ad h. l. scribens: קסמים שכר וקסמי, et sunt, qui explicant קסמים per mercedem diuinatorem. Ad sequioris autem aevi exegetas si accedimus, horum nec illos, quos ceteroquin nouae opiniones mirifice capiunt, a nobis recedere deprehendi-

a) in *Comment. ad h. l.* p. 537. b) *Commentar. in Numer.* p. 825. c) in *Seph-Hasschor.* ad uoc. קסם. d) p. 70, b.

hendimus, quod exemplo COCCII, CLERICI, aliorumque palam est. Ex aliis numero plurimis nominamus solummodo CHYTRAEVM, VARENIVM, PELARGVM, STRIGELIVM, LORINVM, *in peculiaribus commentariis*; LVTHERVM, CALOVIVM, VINARIENSES, OLEARIVM, OSIANDRVM, PISCATOREM, ABVLENSEM, BONFRERIVM, CORNELIVM A LAPIDE, *in Operibus Biblicis*; FRIDLIBIVM, QVISTORPIVM, FVLLERVm, HACKSPANIVM, PALLADIVM, CALVINVM, CARRIERE, *in Annotatt. Biblicis*; quorum singulorum uerba proferre, et prolixum admodum foret, et superuacaneum. Sic etiam BIBLIA GALLICA *in margine* uocem les deuine-mens explicant: le salaire, qu'on lui offroit pour deuiner: et ad ANGLICANAM uersionem ita commentatur AINSWORTHVS: that is the wage or reward of diuination was in their hand e).

XXII. Porro prouocamus ad *historiam*, ex illa non parum lucis huic loco foeneraturi. Et primo quidem loco obseruamus, Orientales semper fuisse summopere deditos hinc incantationibus hinc praedictionibus; ac futura praenosci posse, et existimasse, et ea praenoscere, flagrasse. Nihil igitur facile aggrediebantur, nisi prius consultis hariolis, uti tradunt SELDENVS f) et STANLEIVS g): perinde, ut de Graecorum oraculis commemorat STRABO, ingentem hominum frequentiam eo confluisse, qui suorum dubiorum solutionem quaererent, et in rebus suis administrandis consilium peterent, ita ut nihil maioris momenti susceptum fuerit, nullum bellum indictum, nulla pax facta, nisi oraculum prius fuisset interrogatum. h) Quo etiam spectant uerba CICERONIS, ubi ait: *Quis Rex unquam fuit, quis populus, qui non uteretur praedictione diuina, neque solum in pace, sed in bello?* i) Qui mos inde ab ultimis temporibus durauit inter gentiles. Ut sexcenta exempla

e) in *Comment. ad h. l.* f) de *Diis Syris Syntagm. l. c. 2.* g) *Philos. Orient. l. l. c. 21.* h) *Geograph. l. 16.* i) *l. l. Diuinat.*

pla taceamus, id de LICINIO asserit SOZOMENVS, quod τὸ προσδοκῶμεν πολέμῳ πρόνοιαν ἐποιεῖτο, διὰ τε σφαγίων καὶ μαντείων, ad imminens bellum se praeparanit uictimis et diuinationibus. k)

XXIII. Deinde uero etiam ad duo imprimis momenta attendimus; quorum est *alterum*, diuinatores multum dignitate et auctoritate ualuisse, adeoque ex hoc capite quouis modo honoratos esse; *alterum*, moris fuisse, ut hariolis pretium quoddam pro labore offerretur. Et quod ad *illud* quidem attinet, res est notissima, penes populos Orientales neminem facile ad magnates accessisse, sine praeuia honoris significatione, quacunque ratione instituta. Itaque illi, qui facultatibus non erant destituti, dona parabant eximia, quod ex codice sacro exemplo non uno e. g. 1. Sam. IX, 7. potest demonstrari. Innuunt eundem morem aliis etiam gentibus receptum, et ab his primaeuus acceptum scriptores quoque profani passim. Sic XENOPHON: ἀρχαῖος ἦν ὁ νόμος κάλλιστος, τὰς μὲν ἔχοντας δίδοναι τὸν βασιλέα, *mos erat antiquus, ut illi, quibus erant opes, donarent Regem*: l) et alios etiam uiros auctoritate pollentes donis honoratos esse, refert THUCYDIDES: ὃ γὰρ ἦν πράξαί ἑδὲν μὴ δίδοντα δῶρα, *nihil a quoquam transigi poterat sine muneribus*. l) Iam si de nostro diuinatore quaeramus, iam supra ostendimus, eum sui temporis fuisse uirum, cuius fama et celebritas quaquauersum percrebuerat. Quod enim generatim de eiusmodi hominibus asserit STRABO, οἱ μάντις ἐτιμῶντο, ὡς καὶ βασιλείας ἀξιῶσθαι, *tanto in pretio erant diuinatores, ut etiam imperio digni censerentur* m): id etiam de Bileamo est asserendum, quem ea de caussa בִּלְעָמֹה נָרִיב *principem inter gentes uocat Pescita maior ad h. l.* Et haec aliqua potest esse ratio, cur סַסְמִים attulerint legati Moabiti, quae hac de caussa per diuinationum *honoraria* uertisse uidentur *Piscator, Iunius et Tremellius*: cuiusmodi dona

k) Hist. Eccl. L. I. c. VII. p. 109. l) de Expedit. Cyr. L. VII. p. 316. m) Hist. L. II. §. 97. n) l. c. L. XVI. p. 881.

dona etiam רש"י habuit cognita, scribens : מנחת של הקבלת פנים בשלום ששואל תלמיד או עבד הרב oblatio gratitudinis qua gratiose nos respiciunt, qui illam exhibent, ut discipulus, uel seruus magistro. o)

§. XXIV. Manifestior res euadet, si ex sequioribus temporibus ex iis gentibus, ad quos auitae superstitiones dimanarunt, demonstremus, eundem morem penes eos obtinuisse. Fuerunt autem omnibus saeculis *uates numarii*, qui uenderent sua responsa, ut loquitur CALVINVS. p) Ita etiam commentatur R. KIMCHI : כן היה מנהגם כשהיו באים לשאול מהנביא היו מביאים לו מנחה *hic erat mos, ut illi, qui ueniebant prophetam interrogaturi, afferrent illi donum, p)* et iterum : מי שנתן לו כסף *qui dat diuinatori argentum, illi facit uisionem, quamcunque uelit, q)* itemque de Saule eiusque famulo ad prophetam pergentibus, et de afferendo quodam munere sollicitis scribit : לא היו יודעים אם הירא מקבל ממן כמו הקוסמים שנותנים להם ממון ששואלים מהם, *nesciebant, utrum accepturus esset diuitias, sicut diuinatores, quibus illi dant pecuniam, qui aliquid ex iis quaerunt. r)* De Graecis res est in uulgo nota. Ex oraculis eorum numero plurimis solum *Delphicum* nominasse sufficiet, quod quanti factum fuerit, quantisque donis idendidem ornatum, *δηλῶσι δ' οἱ τε θεσάυροι, ἃς καὶ δημοὶ καὶ δυναταὶ κατεσκευάσαν εἰς ἃς χεῖματα ἀντίθετο καθεζωμένα, demonstrant thesauri a plebe et magnatibus parati, in quos consecratae pecuniae fuerunt depositae, ut habet STRABO s):* quod etiam male habet *Cyniscum*, quando apud LVCIANVM t) ita alloquitur Iouem : ἔχ' ὁρῶ, ἀνδ' ὅτε ἀπαιτεῖτε τὸν μισθὸν ἐπὶ τῇ μαντικῇ, *non uideo, quamobrem mercedem exigatis propter uaticinium.* Sic de GREGORIO THAVMATVRGO commemorat RVFFINVS, illum uidisse sacerdotem, responsa poscentibus reddentem, ex quo etiam illi *alimoniae* quaesitus esse uidebatur. u)

C

uictum

o) ad 2. Reg. V, 15. p) in OO. p. 1386. q) ad 1. Reg. XIV, 3. r) ad Mich. III, 11. r) ad 1. Sam. IX, 7. s) l. c. Libr. IX. t) in Δίφ' ἐλεγχόμεν: p. 210. u) in *Versione Eusebii* ad L. III. c. 29.

uictum ex orāculis quaerentibus tradit IO. POTTERVS his uerbis: *quum sacerdotes oraculorum fidem hominum mentes ubique inuasisse, deprehenderent, nemo ea interrogare permittebatur, nisi prius sumtuosa sacrificia et pretiosa munera deposuisset: unde soli principes et opulenti uiri Deos consulendos adibant, quia ingentibus illis sumtibus sustinendis soli pares erant.* x) Eodem spectant uerba Prudentii L. I. contra Symmach:

Hunc morem ueterum docili iam aetate secuta
Posteritas, mensa atque adytis et flamine et aris
Augustum coluit uitulo, placauit et agno,
Strata ad puluinar iacuit, responsa poposcit:

Et Herodoti in Terpsichore: ἔτοι οἱ ἄνδρες ἐν Δέλφοιςι καθήμενοι ἀνέπειθον τὴν Πυθίην χεῖμασι, hi uiri Delphis sedentes Pythiam pecunia persuaferunt. Immo uero, ita hic mos inualuerat penes gentiles, ut prophetae uel oraculorum antistites principibus ac magnatibus sese facerent mercenarios, eorumque ad placita, qui aut potentiores ceteris erant, quosque timebant, aut, qui maiore mercede responsa prophetarum mercati erant, sese accommodarent, id quod adductis exemplis euincit ANT. VAN DALEN. y) Idem illud de mercede uatibus solui solita concernunt uerba APVLEII de diuinationibus ita differentis: *ad istum modum diuinationis astu captioso contraxerant non paruas pecunias, et de se ipso: Tanta fama de me peruaferat, ut non mediocri quaestui Praeposito meo fuerim.* z)

XXV. Confirmant illa, quae iam diximus, exempla in ipsa Scriptura sacra obuia. Luculentissima sunt illa uerba, quibus Dominus per prophetam in hunc morem inuehitur, genti Israeliticae admodum familiarem: נְבִיאִיה בְּכֶסֶף יְקַסְמוּ prophetae illius pro argento diuinant; Mich. III, 11. Edocet nos illud etiam Saul, (qui, probe gnarus, quod hariolos interrogaturi soleant et debeant afferre munera,) quum iam ad prophetam Samuelem, aliquid sciscitandi gratia contenderet cum suo puero, ante omnia sollicitus erat: מַה נְבִיא לַאִישׁ quid

x) Archaeol. Graec. p 267. y) Dissert. II. de oracul. p. 404. sqq. z) in Orat. de Magia.

quid offeremus viro illi? 1. Sam. IX, 7. qui uero ὑπὸ τῆς ἀγνοίας
 τῆς μὴ λαμβάνειν τὸν προφήτην μισθὸν ἐπλανᾶτο; ut scribit
 IOSEPHVS a): licet nonnulli putent, offerri potuisse etiam
 aliquid muneris in sustentationem prophetae, animiue gra-
 ti significationem. Quod etiam intendisse uidetur Rex Ie-
 robeam, quum suam uxorem ad Ahiam, prophetam cum
 muneribus ablegaret 1. Reg. XIV, 3. Addo et illud, quod uter-
 que et Saul et Ierobeam in Scriptura male audiant et im-
 piorum nomen fortiantur; adeoque, quod forsitan aliis
 consueuerant afferre prophetis hariolantibus, id etiam h. l.
 obseruare uoluerint: nusquam enim legimus, uel Samue-
 lem, uel Ahiam munera accepisse oblata. Iungi his potest
 Naaman, Syrus, Elisae prophetae munera offerens, 2. Reg.
 V, 15. ubi שׂרר rationem redditurus cur detrectarit propheta
 ea accipere, ait; שׂרר עבירה זרה quia pecunia idololatrifica
 erat: Nebucadnezar item, oniroantis praemia splendida, si
 somnium, Dan. II, 6. nec non Belsazer Danieli insignia munera,
 si κρυπτογραφίαν enodarent, pollicitans Dan. VI, 16. ubi GEI-
 ERVS; exegeta incomparabilis, erudite obseruat, non ab-
 sonum esse, uoce נבוכד tunc uenisse sportulas uel pretium
 diuinantibus exhiberi solitum; b) quod uero Daniel respue-
 bat. Vnde et HIERONYMVS illud discriminis fuisse statuit
 inter prophetam et hariolum, quod hic acceperit, ille repu-
 diarit oblationes. Vix uero illustrius quicquam dici pote-
 rat, quam, quod ultimo loco, reseruauimus, quando de pu-
 ella illa Philippensi legitur, quod ἐργασίαν πολλὴν παρ-
 εἶχε τοῖς κυρίοις αὐτῆς μαντευομένη quæstum uberrimum at-
 tulit heris suis. Atque ex his capitulatim disputatis ratio
 apparet, cur סמם seu mercedem diuinatoriam secum
 tulerint legati Bileamum interrogaturi.

XXVI. Nec est, quod aliquis existimet, quod si haec-
 nus disputata etiam recte se habeant, tamen a persona Bala-
 ki alienum fuisse, ut donis uel mercede Bileamum inui-
 taret, sed hunc potius reuerentia erga illum inductum iri,
 ut faciat; quodcunque desideraret: interim, si quid miserit,
 id factum esse ex grato animo non ex debito, et eo fine

ut

a) Antiquitt. L. VI. c. V. b) Comment. in Dan. p. 416.

ut uates promptius in se susciperet negotium: nam si nihil afferretur, forsan detrectaret uenire, uaria impedimenta caussatus. Enimuero, ut iam taceam, uatem hunc non subiectum fuisse Regis imperio, adeoque nec ad obsequium cogi et ad nutum eius praesto esse debuisse; iam supra etiam obseruatum fuit, etiam a magnatibus et principibus pretium illud diuinatorium solui debuisse. Quin etiam ipse Balak *u. 17.* plura promittebat, si ei gratificaturus esset. Accedit, quod grati animi praetextus uanus plerumque et in fraudem excogitatus sit in eiusmodi rebus illicitis. Licet enim pretium post confectum penitus negotium conferatur, nihilominus tamen pro pretio et corruptione haberi debere, censet MOREA V. c)

XXVII. Hoc saltem alicui mirum uideri poterat in nostra sententia, quid opus fuisset, ut Rex per legatos mitteret mercedem, quum tamen ad seipsum arcessiuisset uatem, et cur prius erogaret praemium, quam labor esset confectus. At facile ex hoc dubio emergemus, si dicamus, quod hac uice per legatos non allata fuerit tota summa, quae danda erat pro diuinatione, sed tantummodo illius pars aliqua, ut saltem allicerent Bileamum ut ueniret, ubi tamen simul de reliquo pretio, quin etiam extraordinariis muneribus coram rege expectandis certus et reddebatur et erat. Id quod asserit PHILO dicens: *δωρὰς τὰς μὲν ἤδη παρῆχε, τὰς δὲ δώσειν ὁμολόγει* munera partim iam praebebat, partim uero se daturum esse, pollicebatur. d) Quod etiam probe praeuidens Bileam ait: *Si dederit mihi Balak domum auro et argento refertam, tamen non possum transgredi uerbum diuinum.*

XXVIII. Quando uero de quantitate mercedis huius diuinatoriae quaeritur, nihil certi potest definiri. Facile quidem quisque perspicit, praemia haec fuisse non exigua, sed longe splendidissima. Id quod palam est, siue respicias rem, de qua interrogandus erat hariolus, quae erat maximi momenti, cui adeo etiam insigne pretium respondere debebat; siue attendas ad personam, quae mercedem conferebat, quae erat Rex opulentissimus, qui praemia nonnisi se digna

ero-

erogasse est censendus, quae proinde etiam Iosephus absolute uocat δωρεὰς μεγάλας. e) Perinde ut uidere est in Nebucadnezare Rege, multo amplissima dona offerente diuinatoribus; quo quidem loco uox נבוכא ex mente R. SADDIAE notat dona prodigorum, qui libere promendo seiplos uelut exspoliant, uti habet GEIERVS f). Imo uero, probabile est, fastu nimio inflatum Balakum iussisse legatos, ut praemia publice prae se ferrent omnium conspectui exposita, quia erant pretiosissima; uti illud ex uoce בירם aliquo modo colligi posset. Sic R. BECHAI ad h. l. dicit: מ"מ הביאו לו כסף וזהב בשכרו *exponunt nonnulli; attulerunt illi argentum et aurum pro mercede eius.* Interim speciatim determinare praemium non possumus. Quod enim שכר מ"ב קרבנות שהקריב בלק *quadraginta duo dona attulerit Balak* uti legitur in Exc. GEM. in SANHEDR. g): nullo nititur fundamento. Iam enim argentum, 1. Sam. IX, 8. iam cibos, 1. Reg. XIV, 3. iam pecuniam, 2. Reg. V, 5. iam uestimenta, Dan. V, 16. iam frumenta, Ezech. XIII, 19. prophetis allata esse, legimus. Negari de cetero non poterit, pro diuersitate diuinatorum etiam diuersa oblata iis esse praemia. Nonnulli enim, lucri admodum auidi, artem suam nulli denegabant, qui uel aliquid munusculi apportabat; de quibus illud dici posset quod CATO apud GELLIVM: *frusto panis conducitur potest, ut taceat uel loquatur*; aut, ut apposite depingit eiusmodi homines NAZIANZENSIS, tanquam μάζης ὄνιον, πάντα ποιῶν ἢ λέγειν ἐπὶ τῇ γαστρὶ μεμαθηκότα, maza uenalem, qui uentris gratia quiduis et facere et dicere didicit. e) Quales prophetas Deus ipse increpat apud Ez XIII, 9. et KIMCHI ad h. l. eos describit quod שואלים בהם נותנים להם מלא אגרה שעורים או פת לחם *interrogantes illos, porrigant iis manum horreo plenam uel frustum panis.*

XXIX. Et hoc est, quod in Bileamo etiam est conspicuum, quodque nouum simul pro corroboranda nostra assertione constituit argumentum. Scilicet, eo ipso nomine notat

C 3

eum

e) Antiquitt. L. IV. c. VI. §. 5. f) l. c. p. 418. g) p. 105. b. h) in Orat. ad Athanas.

eum Scriptura sacra, quando describitur ut talis, *ὅς μισθὸν ἀδινίας ἠγάπησε* 2. Petr. II, 15. ubi legitur, quod merces Bileamo sit oblata, quod merces illa fuerit iniqua; quod mercedem illam non repudiauerit Bileamus; imo, quod consequenter ipse uates inique egerit, quandoquidem h. l. illud ualet: שכר מצוה מצוה ושכר עבירה עבירה: *praemium praecepti est praeceptum, et praemium sceleris est scelus.* i) Iisdem coloribus depingitur in Epist. IVDAE u. 11. Quo argumento, nostram sententiam suffulciente, adeo nihil est illustrius, ut multa uerba de uerbis per se clavis facere, haud opus ducamus.

XXX. Hoc certum est, nulla alia re, quam *auaritia* inductum fuisse Bileanum, ut mercedem illam sumeret, utpote qua fascinatus animus semper inhiat opibus quacunque ratione corradendis. Nec enim ex officio muneris et affectus sui erga DEVM necessario populo DEI prodesse debebat, quod quidem contendit PRZIPCOWIVS k); sed potius lucri cupiditate captus illi nocebat. Auaritiam eius accusant tantum non omnes interpretes. Et alii quidem cum ABVLENSI eam se prodere putant, quando de uate legitur: *Et surrexit mane Bileam*, quasi praemii cupido somnum ex oculis fugasset. Alii ex eo idem colligere uolunt, quod, quum iteratis uicibus DEVM interrogasset, tandem ab illo se impetraturum esse, confisus fuerit, ut consentiret in Balaki uoluntatem. Si quis obuertat: tamen ipsum uatem auaritiae suspicionem a se remouisse, quum diceret: *Si uel domum auro argentoque plenam daret mihi Balak, nolo ipsi obsequi*: is uero pensitet, uelim, Bileamum haec non potuisse aliter loqui, quam DEVS dixerat. Et in hac uoluntate diuina debuisset acquiescere. Iam uero auri sacra fames intus eum stimulabat, ut gratificari Balako quam maxime uellet. Euentus enim comprobatur, eum praemio corruptum et ad male agendum fuisse fascinatum, adeoque erat ex illis, qui: חביבים לקונית ממך ותאוה לבם בעולם הזה: *student acquirere mammona, et quorum cordis desiderium est in hoc seculo,*

i) in פרקי אבות c. 4. k) in Cagittat. Sacr. in Epist. Apostol. p. 328.

lo, uti describuntur a KIMCHIO. l) Ita pro auaro habetur etiam in TALMUD, quando de illo et aliis asseritur, שנתנו עיניהם במה שאינו שלהם quod respexerint ad ea, quae ad se non pertinebant m), et eadem ex ratione illi adscribitur, עין רעה oculus malus. n) Quorsum etiam spectant uerba NACHMANIDIS ad h. l. quando Bileamum sistit כרוצה להשלים חפצם tanquam cupientem obsequi uoluntati legatorum.

XXXI. Et, ut sine fucō delineemus nostrum uatem pecuniarium, laborabat pestilentissimo Simoniae uitio, quod quidem a Simone Mago nomen tulit tempore sequiori, in Balaamo tamen pullulauit, ut loquitur HUGO de S. VICTORE. o) Sicut autem munera illa, quibus corruptelae intenduntur, triplicia sunt, quorum alia a manu, alia a lingua, alia ab obsequio proficiscuntur, notante MOREAV: p) ita singula haec genera ad Bileamum adducebantur: manu quidem merces ipsa, lingua adulationes, obsequio Regis gratia, qua eum honorare, et sese ad eius uoluntatem componere uelle dicebat. Ab hoc uero uitio pios prophetas maxime immunes esse uoluisse et fuisse, liquet exemplo Abrahami Gen. XIV. 23. Mosi, Num. XVI, 15. Samuelis, 1. Sam. XII, 3. Illi uero deditos grauit̄ correptos esse, euincunt exempla Simonis Act. VIII, 20. 21. Iasonis, 2. Macc. IV, 8. 9. sqq. aliorum.

XXXII. Adeo igitur graue et in oculis DEI execrandum erat huius uatis delictum, ut permissu diuino animal rationis non compos eum redargueret. Namque in genere diuinitas, quam profitebatur Bileam, erat idololatria. quae passim in Sacris literis grauit̄ interdicitur. Vnde et MAIMONIDES: מצות ע"ז כנגד כל המצוות כולן praec̄ptum de idololatria quasi tanti ponderis est ac reliqua omnia mandata, q) quippe quam poenae consequuntur ira DEI feruentissima, Levit. XX, 5. abominatio Deut. XVIII, 11. omnis generis mala, 1. Sam. XXIX, 4. lapidatio Levit. XX, 7. mors tragica 1. Chron. XI, 13. Deinde male agebat, quod auaritiā suā proderet, et de acquirendo praemio sollicitus esset: quem

l) ad Psalm. I. m) in Massechet סוטה, Excerpt. Gem. c. l. §. 18. n) in Massechet אבות p. 94. b. o) L. II. de Sacram. p. 10. p) l. c. p. 29. q) de Idololatria c. II. §. 7.

quem characterem pseudoprophetarum sistit Scriptura S. 2. *Petr. II, 3.* quo uitio Gehasi obuolutus grauissimas dabat poenas, 2. *Reg. V, 27.* unde *turpe lucrum* uocatur eiusmodi quaestus, 1. *Petr. V, 2.* Grauitur porro peccabat, dum ex nefandi lucri auiditate impio Regi obsequi studebat, perniciemque Israelitarum anhelabat, quos tamen DEVS in suum peculium selegerat; licet prophetia eius *לכבוד ישראל היה* *in gloriam Israelis cesserit*, uti loquitur BECHAI ad h. l. Breuiter: peccabat contra DEVM, semetipsum, et proximum. Et hoc est, cur haec merces a Petro l. c. dicatur *μίσθὸς ἀδύλας*.

XXXIII. Huius delicti grauitati autem, ut fieri solet, respondere etiam grauitas poenarum diuinitus immissarum, quarum alteram nominat Petrus 2. *Ep. II, 16.* iam commemoratam, alteram eamque funestissimam *Iudas epist. v. 21.* ex *Num. XXXI, 8.* adducit, mortem nempe eius tragicam, quam scriptores sacri omni posteritati contemplandam, et uitium uel uiam Bileami studiose euitandam consulto proposuerunt.

XXXIV. Haec sunt, quae de *קסמים* siue mercede diuinatoria commentari, chartae angustia permittit. Restabant et alia, in quae h. l. excurrere et inquirere possemus, e. g. quam impie et imprudenter hanc Bileami mercedem iniustitiae cum hodierno *numo*, uti dicitur, *confessionario*, cuius ope sacerdos iis benedicat, quibus DEVS maledicit, comparet personatus ille CHRISTIANVS DEMOCRITVS n): item: Papistas in hoc capite, si *indulgentias* eorum spectemus, Bileamo fere esse deteriores, quia Bileam uoluntati diuinae tandem obsequium praestitit, etc. Sed, quum qua illam quaestionem nihil reliqui fecerit Dn. ENGELKEN in *Diff. de Numo confession. p. 35.* hanc autem persequatur post alios GESNERVS, o) paginaeque angustia nos ad finem properare iubeat, hic subsistimus, unicam saltem quaestionem, ex nostro themate resultantem, et si ad illud applicetur, egregie illustrantem, coronidis loco subiungentes, nempe: *Quomodo nos gerere debeamus circa recipienda uel detrectanda munera oblata?* Respondeat autem pro nobis B. GEIERVS, p) his uerbis: *Semper attendatur DEI honor, scandali auersio, aedificatio plurimum et commodum ecclesiae, quando dona seu admittendu sunt seu respuenda.*

n) in *Papismo Protest. Vapul. p. 99.* o) de *Conciliis, L. III. p. 360.*
p) *Com. in Daniel. p. 419.*